

REFERAT MIA - Meeqqanut Ilaqutariinnullu Ataatsimiititaq d. 05-12-2019

Mødedato Torsdag d. 05. december 2019 kl. 18:00

Mødested Kommunalbestyrelsesip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Suliniuteqareermermi malitseqartitseriaaseq.....	7
Ilisimatitsissut Tasiilaq.....	10
Aalajangiiffissat.....	14
Meeqqanut Ilaqutariinnullu Ataatsimiititap 2020-mi politikkikkut ataatsimiiffissai.....	15
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu ii	18
Ineriartortitsinissamut Pilersaarut pillugu killiffimmik nalunaarusiaq MI 2017-2020.....	19
Meeqqanut Ilaqutariinnullu Ataatsimiititap angalaneranit nalunaarusiaq.....	24
Taasariaqartut allat.....	27
Lukkede punkter.....	28
Imaqarniliap akuerineqarnera.....	29

Punkt 0: Saqqaa

Ilaasortat

Uju Petersen (IA), siulittaasoq.

Rasmine Geisler (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

Beslutning

Peqataasut: Uju Petersen (IA), Inge Olsvig Brandt (IA) aamma Jens Kristian Berthelsen (S) Ane Egede Mathæussenimut sinniissoq.

Oqarasuaatikkut peqataasoq: Charlotte Pike (IA) Rasmine Geislerimut sinniissoq (IA).

Knud Mathiassen (IA) peqataasinnaanani nalunaarpoq aamma Henrik Rachlev (IA) sinniissutut peqataasinnaanngilaq.

Punkt 1: Oqaluuserisassat akuerineqarneri

Beslutning

Oqaluuserisassat taama itsillugit akuerineqarput.

Punkt 2: Nalunaarutit

Siulittaasumit nalunaarutit

Beslutning

2a. Siulittaasup nalunaaruteqarluni ilisimatitsinera:

Martha Abelsen (S) meeqqanut immikkut pisariaqartitsisunut tunngatillugu kommunip ulloq unnuarlu angerlarsimaffiutaanut angajoqqaarsianullu immikkoortortaarfianut tusagassiutitigut isornartorsiuvoq.

2b. Ingerlatsivimmit ilisimatitsissutit:

1. Ilaqutariit pillugit nutaamik politikkiortoqarnissaanik Kommunalbestyrelsip kissaateqarneranut tunngatillugu ingerlatsivik aallarteerpoq, missingiut siulleq eqqartugassatut ilanngullugu nassiunneqarpoq, allaffissornikkut toqqammavimmut tunngasumik amigaateqarpoq.
2. Isumaginninnikkut suliatigut misissuinerit amigaatigineqartut suliaralugit ingerlatsivik qitiutitsilluni nangittumik suliaqarpoq. Ingerlatsivimmi uungarpartigereerpugut, allaat misissuineri suliat ingerlatsut ataani allattorsimaffimmiittut isumaginninnermik siunnersortimut ataatsimut ingerlateqqinneqareersimalerput. Taassuma saniatigut malugissallugu pingaaruteqarpoq, ingerlatsivik, isumaginninnikkut suliatigut misissuinerit naammassereersut 16-it saniatigut, isumaginninnikkut misissuineri 68-inik naammassisaqareermat, taakkulu suliamut attuumassuteqartunut tusarniaassutiginnissaat nutserneqarnissaallu kisimik amigaataapput. Taakkua saniatigut isumaginninnikkut misissuinerit 40-t pitsaassutsimik qulakkeerneqanissaat utaqqineqarput. Kisitsisit taakkua aallaavigalugit erseqqippoq, isumaginninnikkut suliatigut misissuinerit sukkannerusumik suliarineqarmata nutserisut allaat angummassinnaajunnaarlutik. Taamaattumik akunnattoortoqarpoq.
3. Tasiilamiitkissaatit naapertorlugit, Armarnqivat pillugu siunertap allannortinneqarnissaa ingerlatsivimmi suliaralugu aallartinneqarpoq – ilaqutariinnut naalungiarsuutilinnut siusissukkut suliniuteqarfittut ingerlanernissaa pillugu

Punkt 3: Ilisimatitsissutit

Punkt 03A: Suliniuteqareernermi malitseqartitseriaaseq

Beslutning

Ilisimatitsissut tusaatissatut tiguneqarpoq

Suliniuteqareermermi malitseqartitseriaaseq

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Isumaginninnermut Inatsisinillu Atuutsitsinnermut Naalackersuisoqarfik inuusuttut angerlarsimaffiup avataanut inissinneqarsimasut inersimasunngoriartornermut ikaarsaariarnerannut atatillugu periusissamik pilersaarusiorsimavoq. Suliniuteqareermermi malitseqartitsisarneq pillugu nuna tamakkerlugu innersuussutit kommuninut tamanut tusarniutigineqarput. Periusissamik pilersaarut Naalackersuisuinit akuerineqaqqammerpoq. Tamannalu tunngavigalugu Meeqqanut Ilaqutariinnullu Ingerlatsivik Kommuneqarfik Sermersuumi atuuttussamik suliniuteqareermermi malitseqartitsitseriaasissamik suliaqarpoq.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigivaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut tunngasunik inatsimmi tapersersuisarnerlu eqqarsaatigalugu allassimavoq, inuusuttup 18-iliinissaanut ukiup affaa sioqqullugu meeraq attavigineqassasoq, suliniuteqareermermi malitseqartitsisoqarnissaanik neqeroofigineqarnissaanik nalilersuinissaq tassani siunertaralugu. Eqqissisimatitsinissaq toqqisisimatitsinissarlu anguniarlugit kiisalu inuusuttoq 18-ileereeruni susoqassanersoq pillugu ernumassutigisinnaasaanik tusaaniarneqarnissaa pillugu, Kommuneqarfik Sermersuumit kissatigineqarpoq, suliniuteqareermermi malitseqartitsisoqassatillugu inatsimmi allaqqasumit siusinnerusumik piareersaatit aallartinneqartassasut. Inuusuttut angerlarsimaffiup avataanut inissinneqarsimasut 15-iliigaangata suliaq aallartinneqartassaaq. Suliaq inuusuttut angerlarsimaffiup avataanut inissinneqarsimannngitsut pineqaraangata inuusuttoq 16,5-inik ukioqaleraangat aallartinneqartassaaq.

Suliniuteqareermermi malitseqarsitsisarnermi aalajangersimasumik periuseqarnissaq qulakkeerniarlugu Kommuneqarfik Sermersuup una suliniuteqareermermi malitseqartitseriaaseq suliarisimavaa. Sullissisup suliniuteqareermermi malitseqartitsinissamik piffissaagallartillugu suliniuteqartarnissaa, meeqqamik ilaatitsisarnissaa iliuusissanullu pilersaarummik eqeersimaartumik atuinissaa qulakkeerneqartariaqarpoq. Tassunga peqatigitillugu periusissiaq angajoqqaatut oqartussaassuseqartut aamma Kommuneqarfik Sermersuumi suliniuteqareermermi malitseqartitsivimmik suliaqartartut inissisimaffigisaat Inuusuttunut sullissiviup akornanni suleqatigiinnermut iluaqutigineqassaaq.

Aaqqiissutissat siunnersuut – suliatigut naliliineq

Suliniuteqareermermi malitseqartitseriaaseqarneq suliassaqarfimmi aalajangersimasumik periuseqalersitsisuussaaq, taamaalilluni inuusuttoq 18-iliinissaa sioqqulluarlugu suliniuteqareermermi malitseqartitsisoqassanersoq paasitinneqarsinnaanissaa piareersarneqarnissaalu qulakkeerneqarsinnaanngussallutik. Suliniuteqareermermi malitseqartitsineq piffissaalluuartukkut aallartinneratigut ingerlatsiviup aamma neriuutigaa, inuusuttut suliniuteqareermermi malitseqartitsisoqarneranik unitsitsiinnartarnerat ikinnerulersinneqassasoq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

"Meeqqat tapersorsorneqarnissaannut Inatsisartut Inatsisaat nr. 20, 26. juni 2017-meersoq"

"Inuusuttut angerlarsimaffiup avataanut inissinneqarsimasut inersimasunngoriartornermut ikaarsaariarnerannut atatillugu periusissatut pilersaarut Suliniuteqareernermit malitseqartitsisarneq pillugu nunamut tamarmut innersuussutit"

Ingerlariaqqinnissaq

Suliniuteqareernermit malitseqartitseriaaseq Ilaqutariinnut Immikkoortortap ataaniittunut Tulleriissaarisartoqatigiinnut kiisalu Inuusuttunut sullissivimmut ukiup tulliuttup aallartinnerani saqqummiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Suliniuteqareernermit malitseqartitseriaaseq

Punkt 03B: Ilisimatitsissut Tasiilaq

Bilag

Ilanngussat 1 - MI-mit isigalugu Tasiilaq pillugu nalinginnaasumik paasissutissiineq

Ilisimatitsissut Tasiilaq

MI-mit isigalugu Tasiilaq pillugu nalinginnaasumik paasissutissiineq

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik - pisortaq Martha Lund Olsen/MLOL

Suliassamik eqikkaaneq

Matumuuna Meeqqanut Ilaqutariinnullu Ingerlatsivik Oqartussaqaarfiup, Ikorsiissuteqartarfiup kiisalu inuiaqatigiit isaannit Tasiilami pisut pillugit, Meeqqanut Ilaqutariinnullu Ataatsimiititamat ilisimatitsissuteqarpoq. Ilisimatitsinermi piffissaq pineqartoq: juuli-oktobari 2019.

Ilisimatitsinermi ilaatigut makku ilisimatitsissutigineqassapput: illup iluani aqqissuussaannermik allanngineq, Qallunaat Nunaanniit ikiorneqariartorneq, suliassat amerlassusii, pitsaaliuineq aamma katsorsaaneq/ikorsiineq, sulisoqarnikkut inissisimaneq, suliatigut assigiinngitsutigut suleqatigiissuteqarneq, inuiaqatigiinni ajornartorsiutit aamma eqqumaffigineqarnerulerneq.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Illup iluani aqqissuussaannermik allanngineq: Tasiilaq massakkut aqqissuussaannermi Tasiilami MI-chefimik atorfinitsitsinikkut immikkut ingerlanneqarpoq.

Qallunaat Nunaanniit ikiorneqarneq: Isumaginninnermik Aqutsisoqarfik suleqatigalugu eqqartorneqartut isumaginninnikkut misissuinnermik suliaqarlutik ikiuuttussanik sullissisunik 8-nik ingerlatsivik pissarsivoq. Tamatuma saniatigut 2020-mi ikorsiissutitigut annertusaanermut atatillugu ilaqutariinnik katsorsaasanik marlunnik pissarsilluni.

Sulianik suliaqarneq: Suliassat amerliartuinnartut, nalunaarutiginninnerit amerliartornerat, Ingerlatsivimmit malugineqarpoq. Isumaginninnikkut misissuinnerit ingerlanneqarnerat ilutigalugu suliniutit aamma inissiisarnerit amerliartuinnarnissaat qularutigineqanngilaq. Tamanna Tasiilami Meeqqanut Ilaqutariinnullu Immikkoortortaqaarfimmi/Meeqqanut Ilaqutariinnullu Sullissivimmi sulisunut annertuumik ilungersuatitsilerneranik malunniutissaaq.

Pitsaaliuineq katsorsaanerlu/ikorsiissuteqarnerlu: Ikorsiissuteqartarnerit nutaat misissuivigineqarnissaat ineriartortinneqarnissaallu ingerlaavartumik suliarineqartarput. Meeqqanut Ilaqutariinnullu Sullissiviup atuarfimmi ilinniartitsisunut ilaqutariinnik siunersioqatigiissitsinernik pikkorissaanerit ingerlateqqammerpai. Kinguaassiuutitigut kannguttaatsuliortarnerup pinaveersaartinneqarnissaa aamma tamatumani ikorsiissuteqartarneq pillugu suliatigut assigiinngitsutigut suleqatigiissuteqarneq massakkut atuutilersinneqarfissaminiilerpoq. Suliassaqaarfiit assigiinngitsut akornanni tamani suliniuteqarnermi kinguaassiuutitigut peqqissuunissaaq qulequtaralugu suliaqartoqarpoq.

Sulisoqarnikkut inissisimaneg: Tamanna aqutsisoqarnikkut pitsaanerulerpoq, kisiannili sulisoqarnikkut paarlakaattoqarlunilu sulisut ikippallaarnerat suli nalaanneqartarput.

Suliatigut assigiinngitsutigut suleqatigiissuteqarneq: Tasiilami atuarfik suleqatigineqalerpoq, meeqqat atuarnernannik ikiuinissaq siunertaralugu. Siusissukkut iliuuseqartarnissaq qitiutikkumallugu ullut 14-ikkuutaarlugit peqqissaasut ataatsimeeqatigineqartarput. Kommuneqarfik Sermersooq ukiunik arfineq pingasuni atuuttussamik "Sustainable now" suleqatigilerpaa, una suliniut pillugu: "Tasiilami Suleqatigiippugut". Meeqqanut inuusuttunut pitsaanerusumik atugassaqartitsilernissaq pillugu innuttaasut nammineq immersueqataanermikkut aamma tamakkiisumik isiginnilluni suliniuteqartoqarneratigut inuiaqatigiit ineriartortinneqarnissaat oqartussat inuiaqatigiillu akornanni suliniutigineqassaaq.

Inuiaqatigiinni ajornartorsiutit: Aaqqiissuusaanikkut ajornartorsiutit, soorlu inissaaleqineq, peqqiilliorneq, suliffissaaleqineq, ilinniarfissaaleqineq aamma ilinniarsimasunik sulisussaaleqineq suli Tasiilami inuuniarnikkut ajornartorsiutinik aaqqiissuteqarniarnermi sunniuteqarput.

Eqqumaffigineqarnerulerneq: Politikkikkut eqqumaffigineqarnerulerneq tusagassiutiniillu sammineqarneq sumiiffimmi najugalinnut sunniuteqarnerlukkaluartoq taamaattoq aamma periarfissanik pilersitsivoq, soorlu sulisussanik tunniussisoqarneranik.

Aaqqiissutissatut siunnersuut – suliatigut naliliineq

Ilisimatitsineq tunngavigalugu suliniutit aaqqiissutissallu makkua aallartinneqarput:

- Sulisussat piukkunnaatillit pilerilersikkumallugit sulisussarsiornerup siamasinnerusumik periuseqartinneqarnissaa
- Sumiiffimmi aqutsinerup pitsaanerulersinnissaa
- Isumaginninnikkut misissuinerit ingerlanneqarnissaannut Qallunaat Nunaanniit ikiorsiissuteqarneq
- Aaqqiissuusaasumik sulianik misissuineq
- Suliniuteqarnermut suliassa qarfiup aningaasalerneqarnera
- Ikiorsiissutissanik suliniuteqarnerup misissuiffigineqarnera ineriartortinneqarneralu
- Kannguttaatsuliornermik pinaveersaartitsineq, siusissukkut suliniuteqarneq aamma atuarnerep pitsaanerulersinnissaa pillugit suliatigut assigiinngitsutigut suleqatigiissuteqarnerup annertusitinneqarnera
- Inissaaleqineq, suliffissaaleqineq, peqqinneq aamma ilinniarfissaaleqineq pillugit ataatsimoortumik iliuuseqarneq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitallit

Soqanngilaq

Ingerlariaqqinnissaq

Soqanngilaq

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. MI-mit isigalugu Tasiilaq pillugu nalinginnaasumik paasissutissiineq

Punkt 4: Aalajangiiffissat

Punkt 04A: Meeqqanut Ilaqutariinnullu Ataatsimiititap 2020-mi politikkikkut ataatsimiiffissai

Beslutning

Inassuteqaat akuersissutigineqarpoq

Bilag

Ilanngussat - 2020-mi politikkikkut ataatsimiiffissatut siunnersuutit

Meeqqanut Ilaqutariinnullu Ataatsimiititap 2020-mi politikkikkut ataatsimiiffissai

Aalajangiiffigisassaq

J.nr.: 01.01-A00-9-19

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2020-mi politikkikkut ataatsimiiffissanut tunngasoq una 2020-mi januaarimiit decembari ilanngullugu atuutissaaq.

Inassuteqaat

Suliffeqarfimmut Kiffartuussiviup Meeqqanut Ilaqutariinnullu Ataatsimiititap innersuussutigaa:

- 2020-mi politikkikkut ataatsimiiffissanut ullorsuutissaaq Meeqqanut Ilaqutariinnullu Ataatsimiititap akuersissutigissagaa.

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput".

Aaqqiissutissatut siunnersuut – suliatigut naliliineq

2020-mi politikkikkut ataatsimiiffissanut tunngasoq una 2020-mi januaarimiit decembari ilanngullugu atuutissaaq.

Qinikkanut Allatseqarfiup Meeqqanut Ilaqutariinnullu Ataatsimiititap ataatsiminiinnissai ataatsimiititap ataavartut allat, Aningaasaqarnermut Inuussutissarsiornermullu Ataatsimiititap Kommunalbestyrelsillu ataatsimiinnissaat eqqarsaatigalugit inissippai. Tamatuma saniatigut allaffissornikkut piffissamut killissarititaasut eqqarsaatigineqarput, suliat sapinngisamik sivikinnerpaaq atorlugu suliarineqarniassammata.

Meeqqanut Ilaqutariinnullu Ataatsimiititap ileqquusumik ataatsimiittarneri sisamangornikkut nal. 14.00-imiit ingerlanneqartassasut siunnersuutigineqarpoq. Ukiup ataatsip ingerlanerani ileqquusumik ataatsimiinnerit arfineq-pingasuuassapput.

Aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Inatsisitigut tunngavissaq allakkallu tunngaviusumik uppermarsaatitallit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

2020-mi politikikkut ataatsimiiffissat Naalakkersuisunut nassiunneqassapput. (Ilanngussaq 1)

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaqatigiinneq

2020-mi politikikkut ataatsimiiffissat (ilanngussaq 1) taamatullu ataatsimiinnerni oqaluuserisassat imaqarnialiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaanni pissarsiarineqarsinnaassapput.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. 2020-mi politikikkut ataatsimiiffissatut siunnersuutit

**Punkt 5: Suliat Aningaasaqarnermut Inuussutissaqarnermullu
Ataatsimiititamut Kommunalbestyrelsimullu ingerlateqqitassat**

Punkt 05A: Ineriartortitsinissamut Pilersaarut pillugu killiffimmik nalunaarusiaq MI 2017-2020

Beslutning

Inassuteqaat akuersissutigineqarpoq

Bilag

Ilanngussat 1 - Killiffik pillugu nalunaarusiaq 9, 2019-imi kvartalit pingajuat

Ilanngussat 2 - Suliassanut pilersaarut 2017-2020 (nutartigaq)

Ilanngussat 2 -3. Killiffik pillugu nalunaarusiaq pillugu Deloitte-p oqaaseqaatai innersuussutaalu

Ineriartortitsinissamut Pilersaarut pillugu killiffimmik nalunaarussiaq MI 2017-2020

9. Killiffik pillugu nalunaarussiaq, 2019-imi kvartalit pingajuat

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Ineriartortitsinissamik pilersaarummut 2017-2020 tunngatillugu, tassanilu sularineqartussat ilanngullugit, Meeqqanut Ilaqutariinnullu Ingerlatsivimmit killiffii pillugit 2019-imi kvartalip pingajuanni nalunaaruserineqarput.

2019-imi kvartalip pingajuanni killiffik pillugu nalunaarussiaq pingasunut avinneqarpoq:

- Ingerlatsiviup killiffik pillugu nalunaarussia
- Suliassat pillugit pilersaarut nutartigaq
- Deloitte-p ingerlatsiviup killiffik pillugu nalunaarussiaanut oqaaseqaataa

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigivaa:

- ilisimatitsissut tusaatissatut tiguneqassasoq
- suliaq ilisimatitsissutit Aningaasaqarnermut Inuusutissarsiornermullu Ataatsimiititamut ingerlateqqinneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmi sulineq suli 2019-imi kvartalit pingajuanni Tasiilamut tunngatillugu isumaginninnikkut oqartussat sulinerat politikikkut sammineqarnerat sunnuteqarpoq. 2019-imi juulip qaammataani Kommuneqarfik Sermersooq Isumaginninnermut Inatsisinillu Atuutsitsinnermut Naalakkersuisoqarfimmi Nakkutilliisoqarfimmit peqquneqarnerata kingorna Kalaallit Nunaanni Isumaginninnermut Aqutsisoqarfik Kommeqarfik Sermersooq peqatigalugu Danmarkimut isumaginninnermut siunnersortinik ikiorteqarnissamut Danmarkimi Isumaginninnermut Aqutsisoqarfik suleqatigineqarpoq. Maannakkut Tasiilap sammineqarnerata kingunerisaanik ingerlatsivimmi aningaasat sulisullu atorsinnaasat nungukkiartorput, taamaalillunilu piaartumik suliniutaasussat aallaavigalugit, ineriartornissarlu annikitsuinnarmik, ullormi sulineq ingerlanneqartariaqartarpoq.

Meeqqat, inuusuttut ilaqutariillu pillugit politikip nutaap sularineqarnerani immikkoortoq siulleq aallartinneqarpoq, tassani siunnersuutaagallartoq naammassillugu kukkunersiorneqassaaq politikikkullu suliassanngorlugu ingerlateqqinneqarluni. Ingerlatsiviup pinaveersaartitsinnermut periusissiasaa Meeqqanut Ilaqutariinnullu politikikkissatut nutaatut naatsorsuussaammat sularineqarnissaa 2020-mut kinguartinneqarpoq.

Allaffissornikkut tunngavissaq iluarseriigaq septembarip qaammataani atulersinneqarpoq. Oqatussaqarfimmi sullissisut suleriusaasa pisariillisarnissaat pitsanngorsarnissaallu allaffissornermut tunngavissap nutaap anguniarpaa.

Siunissami aqutsisunit nakkutilliinissaq eqqarsaatigalugu periuseq suna atorpeqassanersoq suli isummertoqanngilaq. Taamaattumik suliatigut aqutsisunit nakkutilliineq ima ingerlanneqassaaq, nakkutilliinermut siunnersorti immikkoortorta qarfinni assigiinngitsuni sulianut tunngatillugu apersuisassaaq taavalu suliat annertussusaat malinnaaffiginiarlugit SBSYS-imut isertassalluni.

Ikorsiisarnermut Immikkoortorta qarfik kvartalit pingajuanni Oqartussaaffeqarfimmi suleriaasiugallartup nutaap atuutilersinneqarneranit sunnerneqarsimavoq, tassanilu Meeqqanut Ilaqutariinnullu Sullissivimmut kiisalu Inuusuttunut Sullissivimmut innersuussisarnermut tunngatillugu tapersersuinissaq siunertaavoq. Meeqqanut Ilaqutariinnullu Sullissiviup aamma Inuusuttunut Sullissiviup suliassai tassunga atatillugu ilaqutariit tapersersorneqarnissaannut pisariaqartitai qulaajarniarlugit amerlineqarput.

Angajoqqaarsiatut akuersissutinut uppersarsaatit inatsisitigut piunasaqaatit tamaasa qulakkeerniarlugit kvartalit pingajuanni suli suliaq ingerlanneqarpoq. Ilaqutarsianut siunnersorti ilitsersuisutut ilinniakkamik aallartitsivoq, juulillu qaammataani Pinaveersaartitsinermut Immikkoortorta qarfik Nuummi ilaqutarsiaasunut siullerpaamik paasissutissiilluni ataatsimiisitsivoq.

Ikorsiisarnermut tunngatillugu kvartalit pingajuanni Paamiuni inuusuttunik siunnersuisarfimmik pilersitsisoqarpoq kiisalu Nuummi qimarnuik annertusineqarpoq.

Paasissutissat katersorneqartut tunngavigalugit oqartussaaffeqarfiup ikorsiisartullu akornanni suleqatigiinnermi pitsanngorsaaniissaq suli pisariaqartoq uppersarsineqarpoq.

Upalungaarsimanermut pilersaarutissaq saqqummiunniarlugu Tasiilami meeqqanik inuusuttunillu kinguaassiutitigut pinngitsaaliisarnarit pinaveersimatinniarlugit pinngitsaalineqartullu katsorsarniarlugit assigiinngitsunik suliaqartut septembarimi Tasiilamiipput. Suleqatigiinnit assigiinngitsunit upalungaarsimanermut pilersaarut nuannaarutigineqarpoq, tassanilu ataqatigiissaarinnissamut ataatsimiititaaq pilersinneqarluni.

Aaqqissuussami annerusumik allannguutaasoq tassaavoq, Tasiilami ingerlatsisutut pisinnaasat immikkoortinneqarneri. Tasiilami MI-aqutsisumik atorfinitsitsisoqarpoq, tassani ajornannginnerusumik aalajangiisarnissaq siunertarlugu.

Periarfissaalatsineq peqqutaalluni angerlarsimaffiup avataanut inissiisarnarit akisuut atorpeqartariaqarmata aningaasaqarneq suli ilungersunartorsiorfiuvoq. Ilassutitut aningaasaliissutissat allannguinnissallu AIA-mit kommunalbestyrelsimillu akuersissutigineqartunik qinnuteqartoqarpoq.

Sulisut atugaasa misissuiffigineqarneri suli aallartinneqanngillat.

Aaqqiissutissat siunnersuut – suliatigut naliliineq

Oqartussaaffeqarfimmi anguniagassanik aalajangersaaneq: Ingerlatsivimmit neriutiginerpoq, allaffissornermut tunngaviusup kukkunersiorneqarnera sullissinnermi anguniagassatut aalajangersakkat anguneqarnissaannut peqataassasoq.

Danmarkimit isumaginninnermut siunnersortinik arfineq-pingasunik ikiorteqarnikkut Nakkutilliisoqarfiup isumaginninnikkut misissuinikkut suliat amigaataasutut uparuarneqartut iluatsinnissaat ingerlatsivimmit neriuutigineqarpoq.

Anguniagassat piffissami anguneqarsimanngitsut: Taakkua suliassanut pilersaarummi qalipaammut "qasertoq"-mut inissinneqartarnerisigut takussutissartalersorneqarput, suliassaq aalajangersimasoq kvartalit tulliunut nuunneqarsimanera nalunaarumallugu.

Deloitte-p innersuussutai:

Killiffik pillugu nalunaarussiaq 9, 2019-imi kvartalit pingajuat

Suliatigut aqutsisunit nakkutilliineq uppernarsaatitalik piaartumik suliarisariaqarpoq.

Suliassatut pilersaarutini immikkoortut kinguartinneqartut killiffik pillugu nalunaarusiami immikkoortumut attuumassuteqartup iluanut kinguartitsineq tunngavilersorlugu innersuussisoqartariaqarpoq.

Siunissami sulisorineqartut eqqortumik assigiimmillu takussutissaliarineqarnissaat anguneqarnissamat sulisut nalunaarsorneqarnerini periuseq isummerfigineqassasoq.

Suliunnaarnermi oqaloqatiginnittarnernik atulersitsineq.

Ingerlaavartumik sullivimmi atukkat pillugit misissuisoqartalernissaa.

Suliassat suuneri sapaatip akunnikkuutaartumik paasiniaaffigineqartarnissaat aamma tassunga atatillugu sulianik aqutsisalernissaq, suliniutit ataasiakkaat siunnerfilersorneqarnissaat pingaarnersiorneqarnissaallu siunertaralugu.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitalit

"Ineriartortitsinissamat Pilersaarut MI 2017-2020"

Ingerlariaqqinnissaq

Ineriartortitsinissamat Pilersaarut MI 2017-2020 naapertorlugu ineriartortitsinissamat sulineq ingerlateqqinneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Killiffik pillugu nalunaarusiaq 9, 2019-imi kvartalit pingajuat
2. Suliassanut pilersaarut 2017-2020 (nutartigaq)
3. Killiffik pillugu nalunaarusiaq pillugu Deloitte-p oqaaseqaatai innersuussutaalu

Punkt 05B: Meeqqanut Ilaqutariinnullu Ataatsimiititap angalaneranit nalunaarusiaq

Beslutning

Inassuteqaat akuersissutigineqarpoq

Bilag

Ilanngussat 1 - Meeqqanut Ilaqutariinnullu Ataatsimiititap 2019-imi Nuummut angalaneranik nalunaarusiaq

Meeqqanut Ilaqutariinnullu Ataatsimiititap angalanerani nalunaarusiaq

Nuuk 18. novembari – 19. novembari

Aalajangiiffigisassaq

J.nr.: 01.02

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Suliassamik eqikkaaneq

Meeqqanut Ilaqutariinnullu Ataatsimiititaq 2019-imi novembarip qaammataata qiteqqunnerani Nuummumut angalavoq. Ataatsimiititap Nuummumut angalanera Meeqqanut Ilaqutariinnullu Ataatsimiititap ataani suliffeqqarfiit suliniutaallu assigiinngitsut inissisimasut paasisaqarfiginerunissaanik siunertaqarpoq. Angalaneq pillugu nalunaarusiaq angalanermit pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqqarpoq.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- angalanermit nalunaarusiaq akuersissutigineqassasoq
- angalanermit nalunaarusiaq inaarutaasumik akuersissutigisassanngorlugu Aningaasaqarnermut Inuusutissarsiornermullu Ataatsimiititamut ingerlateqqinneqassasoq

Suliassamik saqqummiussineq

Meeqqanut Ilaqutariinnullu Ataatsimiititaq 2019-imi novembarip qaammataata qiteqqunnerani Nuummumut angalavoq. Ataatsimiititap Nuummumut angalanera Meeqqanut Ilaqutariinnullu Ataatsimiititap ataani suliffeqqarfiit suliniutaallu assigiinngitsut inissisimasut paasisaqarfiginerunissaanik siunertaqarpoq. Angalaneq pillugu nalunaarusiaq angalanermit pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqqarpoq.

Meeqqanut Ilaqutariinnullu Ataatsimiititamit peqataapput Uju Petersen (siulittaasoq), Ane Egede Mathæussen (ilaasortaq), Inge Olsvig Brandt (ilaasortaq), Knud Mathiassen (ilaasortaq) aamma Rasmine Geisler (ilaasortaq).

Meeqqanut Ilaqutariinnullu Ingerlatsivimmiit peqataavoq Martha Lund Olsen (pisortaq).

Allaffeqarfimmiit aamma Sille Wedege Nielsen (ataatsimiititamut allatsi) aamma Dora Heilmann (oqalutsi) peqataapput.

Pulaakkat tassaapput:

- Kuserneq aamma Ivaq
- Meeqqanut Ilaqutariinnullu Sullissivik Holbøllsvej
- Inuusuttunut sullissivik
- MISI
- PITU

Assigiinngitsunut pulaaqattaarnerit saniatigut Ataatsimiititaq Nuummi katersortarfimmi innuttaasunut ataatsimiititsivoq, ataatsimiititsinerli takkuttut ikippallaaqimmata taamaatiinnarneqarpoq. Tamatuma saniatigut Kommuneqarfik Sermersuup sinnerani Meeqqanut Ilaqutariinnullu Ingerlatsiviup suliniutai paasiniaaffigiumallugit ullaap tungaani Ataatsimiititaq allaffeqarfimmiitinneqarpoq.

Aaqqiissutissatut siunnersuut – suliatigut naliliineq
Soqanngilaq

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitallit
Ataatsimiititap suleriaasia

Ingerlariaqqinnissaq
Meeqqanut Ilaqutariinnullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqanngilaq.

Ilanngussat

1. Meeqqanut Ilaqutariinnullu Ataatsimiititap 2019-imi Nuummut angalaneranik nalunaarusiaq

Punkt 6: Taasariaqartut allat

Beslutning

Soqanngilaq

Punkt 7: Lukkede punkter

Soqanngilaq

Beslutning

Soqanngilaq

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.32